

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA INESTICIJE I POSLOVE
MJESNIH ZAJEDNICA
Broj: 03-04-2600/21
Lukavac, 06.08.2021. godine

Na osnovu člana 64. stav (1). tačka a), člana 25., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14) i Preporuke Komisije za provođenje postupka javne nabavke broj: 03-04-2600/21 od 02.08.2021. godine u otvorenom postupku javne nabavke radova na rekonstrukciji sistema vodosnabdijevanja naselja „Poljice Gornje“ – nastavak radova, Pomoćnik općinskog načelnika za Službu za investicije i poslove mjesnih zajednica d o n o s i

O D L U K U **o izboru najpovoljnijeg ponuđača**

Član 1.

Prihvata se preporuka Komisije za provođenje postupka javne nabavke broj: 03-04-2600/21 od 02.08.2021. godine i Ugovor za nabavku radova na rekonstrukciji sistema vodosnabdijevanja naselja „Poljice Gornje“ – nastavak radova, dodjeljuje ponuđaču „VODO-INS“ d.o.o. Tuzla, koji je dostavio ponudu broj: 252/2021 od 22.07.2021. godine, za ponuđenu cijenu u vrijednosti od 218.992,03 KM i rokom plaćanja od 60 (šezdeset) dana kao najpovoljnijem ponuđaču.

Član 2.

Ova odluka objavit će se na internet stranici ugovornog organa (www.lukavac.ba) istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 3.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 03-02-2598/21 od 01.07.2021. godine. Javna nabavka sprovedena je u otvorenom postupku. Procjenjena vrijednost javne nabavke bez PDV-a je 170.000,00 KM.

Obavještenje o nabavci broj: 719-1-3-64-3-83/21 objavljeno je na Portalu javnih nabavki dana 02.07.2021. godine.

Komisija za provođenje postupka nabavke imenovana Rješenjem o imenovanju Komisije za provođenje postupka javne nabavke broj: 02-04-75-44/21 od 11.07.2021. godine, dostavila je Pomoćniku općinskog načelnika za Službu za investicije i poslove mjesnih zajednica Zapisnik o pregledu i ocjeni ponuda broj: 03-04-2600/21 od 02.08.2021. godine, Preporuku o izboru najpovoljnijeg ponuđača broj: 03-04-2600/21 od 02.08.2021. godine i Izvještaj o radu broj: 03-04-2600/21 od 02.08.2021. godine.

U postupku po Izvještaju o radu Komisije utvrđeno je da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene tri ponude;
- da nije bilo neblagovremeno primljenih ponuda;
- da su ponude ponuđača: „VODO-INS“ d.o.o Tuzla i „Roading doo“ Gračanica kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način

- Komisija je prilikom pregleda i ocjene ponuda ponuđača „TED INVEST“ d.o.o Sarajevo utvrdila da je isti propustio unijeti sve cijene u Obrazac za cijenu ponude (Prilog 3.). Tačkom 18. Tenderske dokumentacije (Način određivanja cijene ponude) propisano je da su ponuđači dužni dostaviti popunjen obrazac za cijenu ponude u skladu sa svim zahtjevima koji su definisani, za sve stavke koje su sadržane u obrascu. U slučaju da ponuđač propusti popuniti obrazac u skladu sa postavljenim zahtjevima, za sve stavke koje su navedene, njegova će ponuda biti odbačena. U skladu sa naprijed navedenim, Komisija je ponudu ponuđača „TED INVEST“ d.o.o Sarajevo, odbacila.

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 170.000,00 KM i da je kriterij za dodjelu ugovora ekonomski najpovoljnija ponuda u skladu sa sljedećim potkriterijima:

- a) Cijena 98 %
- b) Rok plaćanja..... 2 %

Ponuđač „VODO-INS“ d.o.o Tuzla dostavio je prihvatljivu ponudu sa cijenom u iznosu od 218.992,03 KM i rokom plaćanja od 60 (šezdeset) dana od dana prijema računa i osvojio 100 bodova, te je u odnosu na kriterij za dodjelu ugovora rangiran na prvo mjesto.

Zbog naprijed navedenog odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se podnosi putem ugovornog organa, u pisanoj formi direktno ili preporučenom poštanskom pošiljkom na adresu: Općina Lukavac, Služba za investicije i poslove mjesnih zajednica, Trg Slobode 1, 75300 Lukavac, a izjavljuje se Uredu za razmatranje žalbi u Mostaru. Žalba se podnosi u najmanje 3 (tri) primjerka.

Dostaviti:

1. „VODO-INS“ d.o.o Tuzla
2. „ROADING“ d.o.o Gračanica
3. „TED-INVEST“ d.o.o Sarajevo
4. Arhivi



PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA
(ovlaštenje broj: 02-30-6245/20 od 21.12.2020.)
Emir Begić, dipl.ecc.